

鐵嶺舊縣志

重刊鐵嶺舊縣志序

甚矣宇宙之好奇也溯自燧皇御世渾穆無爲至夏后氏而一變至秦而再變至南北朝而三變至五季及宋以降而四變世運之升降姑不具論而要其前後相承絕非重規疊矩有目者當具覘之然此猶犖犖大者也小而求之一城一邑近而索之數百年之間其不同之跡亦復判然可尋焉民國三年縣監督陳公招集同人共修縣志載筆者材力絀薄期檢舊稿資爲藍本乃搜羅殆徧故家世族庋藏殊渺然聞同治間有魏商前輩出慨志乘久缺嘗發憤爲之書成付梓未及印行而板燬繼以諸先生皆謝世殘編賸稿護惜無人零落

殆盡乃訪求於教育公所僅得數鈔本涉於鄉宦列女者較多以外則寺觀名稱間及方物皆擇登於現修縣志篇內上溯其源更得鐵嶺舊縣志係康熙間縣令賈公邀董孫羅左諸君子所協修者僅二卷爲志九事蹟寥寥雜以祝嘏文詞牢騷題詠於今考之體例似乖且距二百餘年多惝恍無徵之事欲賡續之其道無由同人等乃請于我監督標爲別卷刊之併存夫天道十年一小變況於數百年乎世之觀者不必拘泥其辭但想像當時迴殊今日此書雖略如上世鼎彝皆斑然作古色再數百年則後之視今亦猶今之視昔足以發人深省矣是爲序

鐵嶺縣舊志原叙

叙曰萬物法天天法道道法自然自然者何也不知其所以然而爲之者也古今之故誠莫違於時矣太初沕穆塊圪無垠兩儀既立三才配焉忽爾一畫而斷之連之而重之而再重之二老六子正位於其中而萬事萬物遂無不本於此也喁于吹萬即爲鍾呂之先飲血茹毛已開珍齊之始書契聿興而墳典丘索諸子百家不可紀極矣世代緬邈黃農虞夏之事猶約畧可稽則史之爲也史即志也虞書君臣告勅都兪一堂因事隤辭炳焉與星日同朗此卽唐虞之志也夏書卽夏志商書卽殷志周書卽周志也孔子刪書而終秦誓所謂其或繼周百世可知者也余未受

簡命之先已奉有

旨令直省府州縣各修志書數年矣蒞任以後 府檄頻催而苦無以應今歲秋冬之際乃與紳士之隸籍茲土者謀所以終其事首建置謂邑立而後諸務興也次疆域謂畫疆而理官司之守

也

國家賞賚祿予士馬兵甲之費胥於賦入取給焉故田賦次之戶口又卽次之學校則此地所無然事之大者不可後故學校次之官師相代失得之故卽在衆多之口堯湯水旱聖帝明王弗免焉其有事於此卓然有所樹立皆高山之仰也世無傳人而有傳文文傳而人亦傳故次官師次祥異次人物而以藝文終大款九細目二十有九纂輯率出董子蒐採校正諸紳士咸與有力余借手以觀其成耳嗟乎余於此則不能無感矣直省皆有舊志可依雖今昔異宜不過數十年事耳鐵嶺有志或亦開闢來所未聞乎今不辭固陋勉綴成編所見所聞所傳聞一邑

之事大畧盡此

聖天子欲以周知天下之故衣裳萬國傳示來茲者則此一編亦備天廚一嚮未可少也志卽史也總以時至事起不知其所以然而爲之者耳唐人倉頡廟詩云空偕有鳥跡猶是造書時吾且溟 其際矣康熙丁巳陽月旬有九日奉天府鐵嶺縣知縣媯川賈弘文謹叙

鐵嶺縣舊志目錄

建置志

城池

公廨

壇壝

祠廟

關梁

驛站

倉庫

養濟院

麗譙

疆域志

山川

村落

物產

市集

古蹟

田賦志

丁糧

徭役

雜稅

戶口志

里社

風俗

孝義

鐵嶺縣志

舊縣志目錄

五百三十五

奉天作新印刷局排印

學校志

選舉

書院

名宦

鄉賢

鄉飲

官師志

祥異志

人物志

藝文志

碑記

雜文

詩

鐵嶺縣志目錄終

同修縣志姓氏

纂輯

董國祥 掌錄氏

蒐採

孫 榘 麓樵氏

羅繼謨 巖旭氏

校正

邢為樞 環生氏

左曄生 觀野氏

左昕生 肅公氏

鐵嶺縣舊志卷上

建置志

城池

公廨

壇壝

祠廟

關梁

按遼東舊志古鐵嶺城在今治東南五百里地接高麗界明洪

武二十一年即彼地為衛二十六年移衛於此即古銀州地也

在遼河東挹婁北

即今懿路古挹婁國也

太祖龍興之初兵入殘毀抵今六十年所矣

世祖誕膺大命混一區寓從龍甲士率入京師其留業於此者各旗

菓戶外千百餘家耳

今上三年改鐵嶺縣固未有一民也陞任胡令至始漸招徠

廟堂之上設計區畫以成今治攬於前古盛衰倚伏之故百世可

鐵嶺縣志

舊縣志卷上

五百三十七

奉天作新印刷局排印

知茲其隆隆欲起之時矣耕桑禮樂以屏護

陵寢藩蔽盛京則磐石之基也志建置

城池

東西二百七十七丈九尺南北一百八十六丈五尺四週共八百

零八丈八尺門四東西相直南畧倚東北視南又東甃磚缺剝

睥睨無存頽然一垣可禦牛馬耳今蒙古內附誠可無憂然折

柳之樊未嘗無也乙卯春亦小有蠢動之徵已賴

廟堂之上先事代謀旋就殲滅然既濟之衣袂可忘備乎易曰王公

設險以守其國天險則山河是已欲以設險非高城深池奚道之

由也民力不能

國家方在用兵豈暇及此待海宇肅清却戎馬糞者
廟堂或未能忘則將來之責也併志之

公廨

縣衙在東西門之中街北

典史廳在東南隅皆索茅爲之

公館一在城西南隅

係流宦原任總兵王之
網廢宅陞任胡令市置之

壇壝

風雲雷雨壇在南門外

社稷壇在西門外皆以春秋二仲上戊日致祭

厲壇在北門外每歲以清明及七月十五日十月朔日祭之

祠廟

傳曰國之大事在祀與戎寥寥數民即戎非所及已神妙萬物
無所不之記所謂使天下之人齊明盛服以承祭祀者是也鐵
嶺雖小有民人焉有社稷焉上丁上戊以至春祈秋報水旱疾
疫致禱之事志其所有志其所宜先本城次境內凡有大祠廟
洎寺院觀宇併志之

文廟

草創伊始未遑建立今暫設先師主及四配十哲各主併東
西廡從祀諸賢總置二主於銀岡書院春秋二仲上丁致祭以
待特建殿宇所謂志其所宜者莫大於此

關帝廟

廟建東門內鼓樓迤西街北正殿三楹重軒三楹鐘鼓樓各一
廂室各三間以居羽士臨街門樓三間中直神路爲正門旁塑
神馬左右廟墻復爲兩角門樓中橫板歲時響獻梨園子弟歌
舞其上焉碑文附

重修關帝廟碑

媯川賈弘文

本縣知縣

惟

帝大節正氣垂之竹帛昭於萬古薄海內外咸尊崇敬事之故廟貌
徧寰宇千百年來血食未已也鐵嶺古銀州地先是土人卽廢
基設廟西門外規制陜隘康熙癸卯歲王公之綱孫公榘倡鄉

耆之趨義者共捐己貲卜地於城之中央東西廣九丈南北袤
三十丈令宏敞也中建大殿三間妥神居也綵繪棟宇彰事跡
美瞻仰也外聯拜庭三間使深邃肅趨蹌也左右各建樓一座
懸鐘鼓也前建大門馬殿獻樓三間旁啓角門尊中路時至禋
祀獻戲以侑神也後建廊房六間俾司香者供灑掃事啓閉也
規制巍麗錯采煥然稱勝概矣嗚呼以

帝之威靈赫赫在天固不以是爲隆污而人心樂赴有不能已者但
時詘財匱歷十有餘載始克告竣嗣是保境佑民鞏

皇圖於萬禩者端在乎斯矣若踵事增華尙有異於後之人云是爲
記

城隍廟

在西門內街北正殿三楹今見在增修寢殿三楹重軒三楹左右兩廊中門兩旁角門大門有奉天府尹王 鐵嶺縣知縣賈先後爲文記其事文附

重修鐵嶺縣城隍廟記

文安王胤祚

先是鐵嶺令以修建廟宇之文驛聞之時康熙八年八月之十九日也邑舊爲衛荒廢者五十年土人指點其地曰此城隍廟也鞠爲茂草曷修之余復其文曰如議速行要在不擾民間爲善耳功旣成神有寧宇矣鐵嶺令又以文驛聞之則康熙九年二月之三日也正殿三間土地祠一大門南北長二十五丈東

西七丈六尺經營於去歲之秋斷手於今春之仲無侈前人無廢後觀照舊制也又曰有司分內耳其何敢言功至於助義而尙善者不可不圖其勞也余則以爲令總之者爾非募緣人役將何所勸勉焉非輸助各官將何所取資焉非輸助舊人暨衆民將何所庀工而度財焉倡義緣於衆人廟貌新於一旦謀所以不朽者其不可以已也余於是而更有所感矣夫邑令治明者也城隍治幽者也自

天子治都與外之府州縣罔不崇焉攷太常誌有之凡春秋

郊廟日月帝王先師後三日復遣堂上官恭代行禮是日也東嶽之祠與壯繆之祠皆與焉而首重者曰都城隍大典煌煌蓋有年

所矣今夫世人亦求福之爲耳是以廟貌有雄而毅黝而碩者則曰將軍有溫而慧哲而少者則曰某郎其居處敞之以庭堂峻之以階級其祭祀則椎牛擊豕魚菽牲酒缺於家可也缺於神則不可夫遵

朝廷之祀典所以順雨暘禦災患以視夫祀無名之土木者何如也不寧惟是甚有媪而修飭者則曰姥有婦而矜麗者則曰姑堂構之壯也禱祀之豐也衆之力樂爲竭也一朝懈怠禍亦隨作耄孺畜牧慄慄然疾病死喪不曰適丁其時而自惑其生悉歸之於神夫舍不易之典而邀媚淫祠又爽徵應之理如是其可乎哉鐵嶺之士若民其稟法度有然矣其敬鬼神有然矣則道義修明絃誦丕作家給戶足禎祥畢臻又皆其可以環至而立效者也余老且病縻於茲三載不能引去然賭善事一若慰一若驚慰則喜其善之旣著也驚則駭其事之如創也余與令皆借是以少道神人之恫是不可不爲之記也

增修城隍廟記

媯川賈弘文

按祀典所載曰禦災捍患勤事定國此皆以其神食報於一方者也若夫人倫之至歷代師承普天率土春秋匪懈則吾夫子至薄海內外家奉戶祝則惟關聖城隍之稱於義無攷易泰之上六曰城復于隍或卽其義之所自起乎然以城隍稱神盡郡國州邑皆有廟祀固未悉其所由時也鐵嶺城隍廟建於康熙

八年京兆尹

王公爲文紀其事勒於貞珉亦既詳且盡矣顧止正殿三楹耳余蒞茲土三年於茲每朔望禮神周迴審視因思掃地祭天於其質也至嶽瀆諸神凡祀典所宜者則皆殿庭廊廡榱桷几筵歲時饗獻剖羊豕陳籩豆澗溪沼沚之毛蘋蘩蘊藻之菜左右芼之以羞於鬼神凡皆以人道事之也然則圖其所應有而增其所未備顧容緩歟乃謀諸紳士之隸籍茲土與里民之好義者議建後寢前軒左右廊中門西角門大門繚以周垣期以次第畢工而廟制脩備諸若此者雖人意爲之而卽神使之也蓋禍福之說不可惑志於其事而其理則不可不明積善之家必

有餘慶積不善之家必有餘殃此其見於易者也作善降之百祥不善降之百殃此其見於書者也祀事孔明介爾景福此其見於詩者也儒者好言無鬼神阮瞻之流耳旣醉備五福其永錫祚胤景命有僕則尸傳神意以嘏主人者也易曰知鬼神之情狀有情有狀則固可以人意得今之圖所應有增所未備則神之使之豈必耳提面命也哉易又曰先王以神道設教亦卽此福善禍淫之理耳故官職明神職幽一邑如是天下亦如是道德英爽上下同流凡以導天下於爲善去惡之歸俾皇祚昌隆景運休嘉豈不懿哉工旣竣礱石以記其事凡有事於茲役者皆列名於碑之陰

火神廟

攷史顓頊命火正黎司地以屬民火爲土母固其宜也火無形麗於物而爲形燎原乃不可嚮邇比其熄則物各爲物而火還於空豳風云七月流火註云火大火心星也醫家以五臟配五行亦謂心爲火則火固通於神明者也火爲六府之一上古時已有火正則火之有神當自有天地以來有之匪云誣矣鐵嶺以殘毀舊地設立縣治衙宇民舍皆苦茅爲之近始有爲瓦屋者千百之什一耳先是鬱攸不戢延燒數十家黎民懼焉昔者孔子在陳而知魯廟之災國僑相鄭而詳備火之法夫孔子之所知者天道也國僑之所詳者人事也其言曰具畚揭儲綆缶

撤小屋塗大屋窮民苦力結茆纔蔽風雨撤豈易言城中汲井不數塗之亦已難矣然則設建神廟歲時禮之以求無咎固非不經之祀也

子孫聖母庵

子於十二辰爲首白虎通曰子孳也故人之所生爲子子之子爲孫東嶽七十二司有子孫聖母今庵在西門迤南卽民房數間中一間塑神像右比丘尼居之左年老夫婦或卽見在一門量高三二尺易之以瓦猶稍成規制邑之好義者獨無動心於

此乎

龍母廟

在城東南隅甜水井迤北廟宇一間台高二尺許週圍爲短垣花磚甃之康熙十二年建

七聖祠

一楹在南門內迤北街西南向以祀土地山神路神及田祖諸神前爲戲台覆以茅順治十年建蓋邑之有神祠無先於此者
圓通寺

在城西北隅有浮圖十三級二十里外可望而見之前爲佛殿三楹又前爲韋馱殿一楹與佛殿對又前爲天王殿三間中卽

山門左右爲四天王兩廂爲僧舍舊碑二一明天順六年一萬曆二十三年崇德八年

太宗皇帝勅賜銀五十兩碑文附識于左

銀州重修圓通寺記

佛教入中國自漢以來然矣上自公卿士夫下逮黎庶罔不尊禮之以其能作禍福報稱人善惡謂此生之貧富貴賤壽夭皆夙生所爲理不必有徵然足以化愚使之畏禍嚮福不謂無功至於陰翊皇祚其用歸於永長悠久如陰陽寒暑晝夜往來循環無窮始終無盡以是而致其愛君祝國之誠則士大夫固宜崇之所謂見有禮於其君者事之如孝子之養父母也是以琳

宮梵刹所在皆然夫豈無由哉國朝洪武二十三年始成銀州之域置鐵嶺衛舊有刹在城西北隅歲久頽廢宣德三年指揮施興始因其舊垣而宮之名圓通寺正統三年都指揮使康福指揮李俊張忞繼修葺之景泰之初今都指揮使孫璟偕指揮同知王斌復增新之至天順初祠佛棲僧之具凡所宜有者咸備克稱祝釐之所既成孫王二公偕住持僧圓全來謁求爲記遂如右天順六年九月勅放歸田七十八翁芳洲居士廬陵陳循德遵甫記

銀州重修圓通寺記

夫佛所從來遠矣興於漢傳於唐而尤莫盛於我朝明興垂三百年兩都人士及天下郡國無論一二好修小民奉佛尊經者不乏卽縉紳大夫勳庸世胄之家靡不潔奉侈祀惟佛教之爲兢兢蓋其道原分吾儒之餘派而護國佑民皆是物耳談者不得其解至抗其說而與彼角又其悖以奉佛之心毀佛尊經之心叛經外亦甚矣吾郡光民當洪武初建圓通寺於城迤西構正殿五楹立佛像三尊東列伽藍西列祖師而前則有四天王一時廟貌森嚴佛光炳耀蓋犁然具矣浸淫至正統年間稍稍修葺而猶未修也迄於今而棟宇朽壞殿舍傾頽佛像塵蒙金身露出有識者莫不憫然而竟不能爲佛出一力以光大之乃寧遠伯李 輕財好施暨弟原任總兵李成材共興善念隨約

善人陶法明及境內助緣士夫若干人同襄厥事或出資或出粟或出物料各有差計晷課工歷五年而功始落成焉俾廟貌重新佛光再照纖毫皆李氏力也佛量無私得無鑿之蒼蒼而報之冥冥者乎余雅不言佛然躬遇茲舉則擊節嘆曰此亦足以彰盛美而表鄉閭者也於是爲文以揚李氏之美用垂不朽以厲世風云萬歷二十三年歲在乙未太學生高崇文恭撰

三官廟

廟建北門外里許碑刻具載舊制久成殘毀今正殿三楹以祀三官前數武爲上帝廟蓋居人掘土得神像僅存其首冶銅以成者土人以木貫神像首卓於其地原任總兵王之綱見之惻然謀於同志爲神座塑成神像顏以丹碧初爲蓆殿繼覆以茅今瓦殿小三楹并塑站神廟制儼然率離逖爾土者之爲也舊碑二一泐剝不可辨一如左

銀州重建三官廟記

天生地成六一合而水用具此三官命名之原也如道藏等經所載姓氏龍女及三元下察之說荒謬難詰然賜福解厄等語與祀典禦災捍患之意合故廟貌徧寰宇至今血食未艾也鐵嶺古銀州地成化丁巳建廟於城北之柴河祀必用渡父老苦之質諸堪輿家以乾河厥土攸宜顧時詘無當其事者嘉靖壬戌今太保寧遠李公初視衛篆卽欲建如前議時兵戈倥偬僅

仍舊貫湫隘雨注半入浸沒積歲漸頽圯矣萬曆丁卯公提兵北征過而增喟謂不足妥神明肅禋祀也乃大捐俸金付致仕參戎宿君名仰辰者總其事宿君雅有重望復倡鄉耆之趨義者增庫爲隆拓隘就爽東西廣十丈南北袤二十二丈台增八尺有奇周圍以磚鱗砌中建神殿三間稍前建拜亭三間左右廊六間又前過庭三間鐘鼓樓各一座兩旁俱啓角門以尊中也復建住房三間俾司香者掌啓閉闕其規制揖如拱秩如序凡簷牙疊澀丹堊塗護咸輝煌錯彩巍然標勝槩矣嗚呼天地純淑之氣融結於山川者恒有待而興銀州稱雄於遼千百年蘊奇抱秀乃儲精於寧遠公無論勳業輝赫爲名將第一卽此

廟阨阨二百餘年亦藉公而顯明昌熾豈偶然哉大約純淑之氣鍾於神則爲威靈爲感應以食報於一方鍾於人則爲豪傑爲英雄以垂芳於萬禩故通三才之說者可以悉三元之情狀矣公重厥役乃以廟狀示趙子趙子旣紀其大畧如前復爲迎送神辭三章俾致祀者歌以侑觴辭曰靈連蜷兮雲中森森兮龍宮橫九垓兮極目望夫君兮焉窮芻紫壇兮桂棟敞桂椒兮蕙肴充

右迎神

揚玉枹兮拊鼓壯瑤簾兮鐃鐘靈偃蹇兮夷猶亘天路兮駕飛龍役百靈兮橫地軸輳靈類兮賸從并欣欣兮姣服謦將愴兮

紛來同

右降神

靈皇皇兮既留炎高舉兮雲旒若雨暘兮盪氛稷奠厥居兮田疇道百川兮不波福無極分銀州

右送神

萬曆十年歲次壬午秋八月吉旦賜進士奉政大夫奉勅總理遼東糧儲兼理屯種戶部郎中柏鄉趙惟卿撰

慈清寺

縣治東門外二里許山巔舊有三清觀以住羽流後爲僧居久既傾圯因改建佛殿三楹上供佛旁列羅漢以三清觀舊基也

遂於前仍爲小殿以奉三清因名慈清寺崇德八年金仁祥等重修

太宗皇帝勅賜銀四十兩爲中寺柴流東來經山下北折而西入遼水以達於海朝宗之勢儼然亦勝觀矣

早春望龍首山

穆壇胡藥嬰

東山常在郭春日眼新開雪積嵐光暗谿晴雲氣來乾坤匏自繫歲月鬢相催寥落空藜杖無心步石苔

胡世其父母重招開原何明府並諸同人遊龍首山 闕名
孤城蕭索此遨遊峰立天空動遠愁黯黯榆關芳草暮淒淒遼水
荻花秋連朝載酒雙陶令幾曲狂歌半楚囚倚杖不嫌山徑仄最

從絕巘送吾眸

贈寺僧叅如

廣川董國祥

虛空不可量杖錫胡爲者山寺莽蕭蕭悲風鳴四野逐臣此地偏
佛子寧爲假贊公合秦州未必房相 塔影蔭清泉一鉢猶堪把

九月二日同諸友飲慈清寺山下次韻

瘦陶孫榘

高天曠不極把酒向林阿九月黃花老秋風客思多繫壤同野叟
扣角罷商歌山水何年有英人幾見過

保安寺

在城東南三十里張家樓佛殿三間韋馱殿一間三門三間兩
廊六間庫館香積俱備天命十年王友等重修崇德八年

太宗皇帝勅賜銀四十兩

上帝廟

城東南五十五里爲撫安堡廟建其地山門一間韋馱殿一間
佛殿三間左右廊六間上帝廟三間僧徒二十許蓋廟係古刹
緣僧居之因爲寺制仍稱上帝廟沿其初也崇德八年

太宗皇帝勅賜銀四十兩順治五年重修巍然大刹總無碑碣紀其
事蓋此中無嫻於辭者抑以見遼風之古穆云

湧泉寺

在城南五十里魏台衝地山門三間韋馱殿一間伽藍祖師殿
各一間佛殿三間明萬曆三十六年李大將軍成梁修建崇德

八年

太宗皇帝勅賜銀四十兩

太安寺

在縣南三十里殷家屯山門三間中殿三間佛殿三間左右廊六間僧居香積俱備明萬曆二十二年土人李朝住等修建崇德八年

太宗皇帝勅賜銀四十兩

地藏寺

在縣南三十里汎河城山門一間韋馱殿一間佛殿三間左右廊十間僧居備崇德五年本寺僧郭寬禮等重修崇德八年

鐵嶺縣志

舊縣志卷上

五百五十

奉天作新印刷局排印

太宗皇帝勅賜銀四十兩

地藏寺

在縣西南六十里懿路城山門一間韋馱殿一間佛殿三間東西廊各三間香積備古刹也崇德三年本城人鄧世科等重修崇德八年

太宗皇帝勅賜銀四十兩

龍泉寺

在城東三十里宿老屯山門一間天王殿三間韋馱殿一間佛殿三間僧居備崇德八年

太宗皇帝勅賜銀十兩

大安寺

在城東四十里崔公堡山門三間韋馱殿一間佛殿三間觀音殿三間僧居備天命六年居人李養忠等修建崇德八年

太宗皇帝勅賜銀四十兩

朝陽寺

在城東南五十里瓢酪屯明萬曆三十九年本屯人金得友等修建崇德八年

太宗皇帝勅賜銀四十兩佛殿三間山門韋馱殿兩廊康熙二年毀於回祿

保安寺

鐵嶺縣志

舊縣志卷上

五百五十一

奉天作新印刷局排印

山門一間韋馱殿一間佛殿三間僧徒近二十許庫館香積之屬備焉在縣東南五十里花豹衝天命十年土人李有福張國忠等修建崇德八年

太宗皇帝勅賜銀二十兩

興隆寺

在縣東南三岔堡以何時建不可考先在堡東關外崇德八年太宗皇帝曾賜銀四十兩順治九年頽於馮夷本堡人銀國輔等移建堡內山門一間別爲角門一間韋馱殿一間佛殿三間僧寮備

永興寺

寺建縣治西南六十里懿路城明洪武初刱建萬歷四年岳惠住王公沛重修崇德八年

太宗皇帝勅賜銀四十兩山門一間佛殿三間僧舍具備

延壽寺

在城西王千總堡山門三間韋馱殿三間佛殿三間伽藍殿一間火神殿一間僧舍備崇德八年戶部英置僧修建是年

太宗皇帝勅賜銀十兩

慈壽寺

在縣西北趙家堡山門一間韋馱殿一間佛殿三間火神廟一間僧居備崇德八年戶部英置僧修建是年

鐵嶺縣志

舊縣志卷上

五百五十二

奉天作新印刷局排印

太宗皇帝勅賜銀十兩

保安寺

在城東十里熊官屯明萬曆間創建崇德八年

太宗皇帝勅賜銀十兩山門一間韋馱殿一間佛殿三間僧房六間

慈胤菴

在縣西南懿路城崇德八年本城人鄧科周名望等重修山門一間韋馱殿一間佛殿三間淨室備比丘尼居之

永甯菴

在縣西南三十里汎河城明萬曆八年本菴尼妙安修建天命乙丑本菴尼普會重修山門一間韋馱殿一間伽藍殿一間佛

殿三間淨室備

火神廟

在城東三十里宿老屯廟門三間正殿三間道院三十四間明萬曆十四年建崇德八年

太宗皇帝勅賜銀二十兩

上帝廟

在縣治西南汎河城明正統間創建隆萬間李時羽顧遠重修廟門一間正殿五間道院具備崇德八年

太宗皇帝勅賜銀四十兩

上帝廟

鐵嶺縣志

舊縣志卷上

五百五十三

奉天作新印刷局排印

在縣治西南懿路城明弘治間建嘉隆間本城人徐澤等重修崇德八年

太宗皇帝勅賜銀四十兩廟門一間正殿三間後殿五間道院備城隍廟

在縣治西南懿路城古刹也按遼東舊志城設備禦都司二千戶所界清鐵二衙之中居然一鎮則有城隍廟宜矣明萬曆八年僭高性全民人侯仲金等重修崇德八年

太宗皇帝勅賜銀二十兩廟門一間正殿三間香火室三間今住羽流

子孫聖母廟

在懿路城廟門一間正殿三間鍊室四間係古刹崇德八年
太宗皇帝勅賜銀四十兩人之生子謂之添丁華封三祝亦曰多男
子子孫孫勿替引之俾士卒充斥以壯
國家赫聲濯靈之治未必無幽贊之功也

關梁

關以譏梁以濟故宜志也天下山河阨塞之處卽設關其大者
已下至府鎮州邑郭門之內皆以關稱卽易重門擊柝以待暴
客之義也地不能百里無有徒涉爲病者歲十一月徒杠成十
二月輿梁成王政之大者可無念旃

按遼東舊志山頭關在三萬衛南六十里應在鐵嶺境內其地

不可考矣順治十五六年城北二十里許地名三道鋪設小關
以柵欄爲門東至東山西抵廣甯一帶皆折柳樊之或卽山頭
關舊地不可知康熙十年間移置開原北

汎河橋 汎河南一里

小橋 汎河南三里

清河橋 懿路南關

柴河橋 鐵嶺北三里

遼海橋 鐵嶺南十五里

周勝橋 鐵嶺北十里

右皆舊志所載今無存橋甃石則難木易耳農隙入山採伐貯
以處所秋杪成夏中卸亦易爲之事而便於道途者在地方官
司審時量力設誠致行耳

驛站

舊志囂州驛在城西關地基無考康熙九年設站於汎河東里

許爲汎河站南至奉天府北至開原站戶崙設於邑民無預然
在縣治境內故志之

倉庫

國以民爲本民以食爲天勸農積穀卽所謂知天之天也按遼
東舊志鐵嶺有預備倉錢帛庫殘毀已久無可稽矣民人無幾
俱非蒙業而安者晨夕之弗給而欲爲餘三餘九之計其將能
乎無以則視其時之可爲先相地建倉廩一區庫則設於縣衙
每遇大有年可令丁出米一斗漸而積之貯倉以備凶札古人
社倉常平倉之法皆可師其意而行之設誠難耳此地不通舟
楫人無儲蓄一遭荒歉非其任矣天災流行何代無之堯水湯
旱而民不爲病以有備也易曰君子以思患而豫防之孔子曰
好謀而成此則所謂豫也此則所謂謀也

義濟院

各處俱設俱有額設錢糧亦率故事行之然立法之意則不可
無深惟也鐵嶺草創伊始自不遑及卽以見在情事論之此中
寥寥數民或應招而至貪二三十金之利以輕去其卿或事干
文綱以致離逖爾土皆非有親族可依者壯能自食其力至衰
老無子饑寒切於其身目擊之而不爲之所或亦非人情乎鰥
寡孤獨爲天下之窮民發政施仁必先斯四者豈獨文王宜然
哉志之以及時修舉或非急其所緩也

麗譙

譙樓之設所以肅瞻視一聽聞也邑東西大街直北門處尙有譙樓舊基四達之象猶存而樓則蕩然矣若諸務漸以就緒者繕修亦自有時耳

疆域志

山川村落物產市集古蹟

東至老古洞南至懿路西至遼河舊邊西南至小河口北至三道舖此鐵嶺境界也按虞書舜肇十有二州爲營州之域天官書二十八舍直十二州不及遼東攷周禮註疏謂箕與南斗相近爲遼水之陽盡朝鮮三韓之地則此地當爲箕分野自秦漢以至元明建置不同事宜亦異

鐵嶺縣志

舊縣志卷上

五百五十六

奉天作新印刷局排印

太祖荒度肇基

太宗經營締造開天之業實始於此

世祖發祥奉天以奄有九有山川猶昔而王氣所鐘蓄極而發萬年不拔之基根本托焉可易視乎詩曰普天之下莫非王土畫疆而理則官司之責也志疆域

山川

龍首山

城東二里許舊志上有龍王堂即三清觀北山也或迤邐而南俱稱龍首山云

駐蹕山

舊爲水口山康熙十年上謁陵畢乘便校獵以周覽形勝駕旋過鐵嶺入北門出南門時大雨淋漓菓園馬文通新室成上駐蹕其中尙食行賞銀十兩因名爲駐蹕山帽峰山

大馬山

城南十五里

百洛山

城南三十里

小平山

城南五十五里

寒坡嶺

小棗山

城東十里

東塔山

城東二十里

松山

城東三十里

大灰山

城南

六十里 平頂山 城西北二十里 虎頭山 城東一百十里 黃山 城西南五十里 豬兒山

城西南六十里 塔兒山 城西南四十里 峰山 城北十里 紅崖山 城西十五里 苦茅山

城西北三十里 保山 城西北三十五里 汎河東山 去本城五里有古塔下有仙洞 柴河 城北二里源出城東松山之西諸山西流

由城西北入遼河 汎河 城南三十里源出於東山諸山西流 小清河 城南六十里源出歸德州南山西流經懿路城南流入遼河歸德州今不設 凌湖

城北二十里 宋家泊 城西十里 月湖 城西八里 鴛鴦湖 城西三十里 蛤蜊河 城西六十里

村落

居民鮮少城內外及附近數處約畧可盡惟南赴奉天府沿途仍有三四處其餘則皆旂下舊人居之然在邦域之中不容不併志也

東菓園 距城一里旂下 熊管屯 距城十里旂下 宿老屯 距城三十里旂下 柴河堡

鐵嶺縣志

舊縣志卷上

五百五十七

奉天作新印刷局排印

距城六十里旂下 白子峪 距城七十五里旂下 一面城 距城八十里旂下 冷哥郎寨 距城

九十五里旂下 飛地裏 距城百里旂下 曾家寨 距城百里旂下 黃旂寨 距城百一十里旂下

藍旂寨 距城百二十里旂下

以上十二屯堡係城東

南菓園 距城一里旂下 顧官屯 距城二十里旂下 屠家樓 距城二十里旂下 黍鴨子屯

距城二十里旂下 張家樓 距城三十里旂下 殷家屯 距城三十里旂下 徐千戶屯 距城三十

五里旂下 崔公堡 距城四十里旂下 瓢酪屯 距城五十里旂下 魏台衝 距城五十里旂下 花

豹衝 距城五十里旂下 山石小屯 距城五十里旂下 撫安堡 距城五十五里旂下 大甸子

距城六十里旂下 牧牙正 距城六十里旂下 高麗營 距城六十五里旂下 當舖裏 距城七十里

以上十七屯堡係城東南

八里莊

距城八里民人

遼海屯

距城十五里民人

站裏

距城二十九里旗下

范家屯

距

城三十五里民人

新屯

距城三十里旗下

石山

距城四十三里旗下

懿路

距城六十里旗下
民人間居

以上七莊屯係城南

教場

距城二里民人

二台子

距城十二里民人

新星舖

距城十五里旗下

曾十堡

距城

二十里旗下

老河灣

距城三十里旗下

汎河

距城三十里旗下

城南堡

距城三十三里旗下

腰

舖裏

距城四十里民人

土城子

距城三十五里民人

陽和樓

距城三十五里旗下

小豬兒

山

距城四十里旗下

大豬兒山

距城四十里旗下

鷹手屯

距城四十里旗下

宋家泡

距城

四十五里旗下

瑣柰街

距城五十里旗下

丁字泡

距城四十五里旗下

康家屯

距城五十里旗

下八里莊

距城五十二里旗下

鮑家岡

距城六十里旗下

小河口

距城七十里旗下

以上二十莊屯係城西南

鐵嶺縣志

舊縣志卷上

五百五十八

奉天作新印刷局排印

馬逢溝

距城五里民人

河西莊

距城七里民人

紅崖嘴

距城二十里旗下

以上三莊屯係城西

柴河涯

距城三里旗下

奚家莊

距城七里旗下

賀家屯

距城二十里旗下

營守堡

距城二十里旗下

吳高麗屯

距城二十里旗下

以上五莊屯係城西北

頭台子

距城五里民人

高麗屯

距城十里旗下

平定舖

距城十五里旗下

舊邊門

距城

十八里旗下

三道舖

距城二十里旗下

以上五莊屯係城北

遞運所

距城五里旗下

椴木嶺

距城十五里旗下

養豬溝

距城二十里旗下

紅草石

距

城三十五里旗下

以上四莊屯係城東北

物產

以穀計者曰

黍 稷 稻 粱 粟 葛林 黃豆 黑豆 菜豆 豌豆
蠶豆 豇豆 小豆 大麥 小麥 蕎麥 芝蔴 蘇子
薏苡

以蔬計者曰

蔥 韭 蒜 茄 莧 芹 蕨 白菜 芥菜 萵苣 菠
菱 茼蒿 胡荽 蒼蓬 芽 蘿藦 胡蘿藦 水蘿藦
苦蕒 磨茹 小茴香 薄荷 萋蒿 瓠 葫蘆 明葉菜

匾豆角 菜豆角 山藥

以蔬計者曰

黃瓜 冬瓜 西瓜 南瓜 倭瓜 甜瓜 香瓜 稍瓜
醋筩 圓黃瓜

以菓計者曰

榛桃桃 李 杏 櫻桃 郁李 葡萄 山梨紅 花紅
石榴 無花果

以木計者曰

榆 槐 椴 桑 柳 橡 檉 柞 青楊 樗 梓 檉
華 明門夜合

以花計者曰

芍藥 丁香 鳳仙 金盞 鸞粟 石竹 玫瑰 山丹
菊 蜀葵 水紅花 葵花 鷄冠 玉簪 金簪 蓮 秋
海棠

以藥計者曰

五味 細辛 芍藥 柴胡 荆芥 防風 蒼朮 藁本
瞿麥 苦參 麻黃 牽牛 黃精 車前子 大力子 桑
白皮 茵陳 益母草 紫草 薏苡仁 芡實 地膚子
管仲 鼈甲 鹿茸 香附 蒼耳子 紫蘇 地骨皮 山
查 桔梗 遠志 黃芩

以用物計者曰

棉花 紅花 靛 線麻 絲麻 白蠟

右鐵嶺所產與近處大畧相同所以備書者以見諸物粗具未
可以邊荒視也

市集

黃帝日中爲市懋遷有無化居虞夏以來已然矣曹參曰市者
所以併容愼無擾也周禮小司徒之職於市肆最詳有質人廛
人司競司稽之設皆以士爲之抑其愼矣名相近者相遠實相
近者相邇亦不違理徵貴徵賤任其自然或求壟斷而登之所
弗問也

逢三北街 逢六西街 逢九東街

古蹟

看花樓

在東門外明萬曆間大帥李成梁故園上字中橫板蕩然矣四壁矗立猶目豎好下基石數層細甍方裁一石額門上壁間橫尺許縱可倍質紫而文黝梅榦儼然亦一奇也

李將軍看花樓

露泣百花明殘樓傍故城壁穿餘火色礎潤無雲生罩暗將軍樹
荒傳君子營當年問絃管夜月走鼯鼯

異石二絕

吳宮麋鹿走西子尙凭欄不逐五湖去浣紗溪自寒預知百卉盡
寄影紫雲英天外無幽草梅花結古盟

東山小古城

城東一百里

鐵嶺縣志

舊縣志卷上

五百六十一

奉天作新印刷局排印

城南小古城

城南五里

汎河小古城

鐵嶺城西南廿五里

唐王營

在帽峰山東南寬平如掌四週略有遺趾後倚山前有細流潏洄如帶相傳唐太宗征高麗安營於此

寧遠伯李大將軍墓

在城東南屠家樓翁仲石馬儼然在列

金侍郎墓

在城東北楸木嶺有守塚人役

志古蹟者何志時爾觀古可以知今卽監於有夏監於有殷之意也當時經營拮据不謂匪勞而衰草寒煙供今人之憑弔矣有官君子各務生聚教訓以鞏基圖於無疆可無念矣

鐵嶺縣舊志_下

田賦志 丁糧 徭役 雜稅

賦者征於下之名古者謂兵爲賦春秋傳恒曰悉索敝賦周禮之所謂可任也者皆是矣

本朝兵皆八旗於百姓無涉要計畝輸租以供軍需古今一也鐵嶺立縣未久墾田固自無多然

國課所關以田以賦釐毫皆有所歸雖漸墾漸增見在則眉列版章也志田賦

丁糧

計丁二千一百零六名每丁徵銀一錢五分每年徵銀三百十

鐵嶺縣志

舊縣志卷下

五百六十二

奉天作新印刷局排印

五兩九錢

計地三百七十九頃三十八畝一分每畝徵銀三分每年徵銀一千一百三十八兩一錢四分三釐

合丁糧兩項共銀一千四百五十兩零四分兩限徵解

徭役

縣治初立無他徭役康熙十一年盛京戶部提縣民六名充遼河水手十三年鎮守奉天副都統撥夫二十名充柴河涯水手十四年盛京工部撥夫十三名充窪紅木水手十二名充木其河水手俱係一時權宜非本縣定差也又分修本府糧廳衙宇亦圯敝始葺非歲一舉行者併志也

雜稅

驢騾牛猪之市易者每兩納稅銀三分斗秤各牙行 本府糧廳給帖季一易之每帖按季納銀三錢計帖十八張每一年共納稅銀二十一兩六錢其驢騾等稅銀無定額多寡隨帖銀按季解 糧廳

戶口志 里社 風俗 孝義

國以人爲重人不必聖賢卿尹也卽此林林總總者而上天之視聽屬焉周禮大司寇孟冬祀司民獻民數於王王拜受之以圖國用蓋敬民所以敬天也書曰民非后罔戴后非民罔以辟四方衛文之廬漕也男女七百人季年乃三千人無他撫字之愛養之耳今之邑長吏卽古諸侯母易茲天下之爲令者皆拊循其民以慎守厥職可以致主於三代之隆也志戶口計戶一千八百二十九計口五千三百二十九

里社

居民皆有版籍南方以都以圖北以里社皆鄉貫也然先王立法則有深意古者有國社有鄉社亶父冢土亦其一矣哀公問社於宰我宰我對曰夏后氏以松殷人以柏周人以栗註云古者立社必樹其土之所宜木以爲主下至里閭春祈秋報介稷黍穀士女皆是物也今之里社圖籍焉耳不復知其義矣各社

列志如左

常盛社	安豐社	新興社	繁裕社	奉化社	仁美社
常益社	阜樂社	保寧社	淳安社	歸善社	和濟社
綏懷社	長善社	慶成社	廣惠社	作新社	新恩社
錫福社	履太社				

風俗

民非土著之舊五方雜處幾盡海內之人而有之性情不同習尚亦異其勤儉作家十不二三率為朶頤計耳奢則不能鶉結自甘而思以腴於口里鄰比居意有弗適則勃谿相向非漸染於詩書未可易也文翁化蜀治遂擬於鄒魯不其徵歟然則移

風易俗使之興行於禮義非歲月之功也

孝義

故事孝子節婦觀風者得於採訪即具疏上聞
奉有

愈旨有司官為表厥宅里今觀風不行二三窮民亦未有勝此者欲以廣教化美風俗則事屬宜舉因志之待其人而後行若遼東舊志所有則不敢沒也

孝子

邵義 懿人路未婚父皆亡義竭力殯室復廬墓三年

節婦

楊氏

鐵嶺衛人顧澄妻澄故遺腹三月產一男誓不二適甘貧撫孤成立年七十九卒

學校志

選舉 書院 名宦 鄉賢 鄉飲

子輿氏曰設為庠序學校以教之有虞氏養國老於上庠養庶老於下庠夏后氏養國老於東序養庶老於西序殷人養國老於右學養庶老於左學周人養國老於東膠養庶老於虞庠養老者所以教孝也遼東舊志以明嘉靖十六年重修即云儒學無考查城北三官廟碑乃載儒學教授之名則萬曆十年也其云無考或裁設隨時或修志者偶疎皆不可知今博士弟子纔四人以武稱者亦四人皆隸於奉天儒學異時文教蔚起彬彬然質有其文或者

國家當有專官則學宮之設建官而後可議也志學校

選舉

舜有天下選於衆舉臯陶湯有天下選於衆舉伊尹則選舉之典自上世已然矣周禮以鄉三物教萬民而賓興之以其賢者能者獻於王王拜受之登於天府蓋其重也漢之賢良方正猶為近古然久則滋偽唐宋以來科目繁雜明乃專主文武二科至今沿之其立功揚名垂於竹帛者亦□□即出其中蓋法無可變拔十得五耳鐵嶺為東北天維罕事詩書終明之世科目鮮少

本朝應運而興自立縣至今捷鄉闡者文武遂有三人接武尙未

可量應斯舉者其務濯磨奮勵以無負

國家所以求賢之意歟

文舉人

王道興

康熙丙午科

武舉人

李霖

康熙丙午科

張垚

康熙壬子科

書院

理學盛於宋故書院之設往往有之相沿至今不廢孔子亦云
學不講是吾憂也其始一二賢者思以昌明聖學時望既隆不

無附之以爲進身之階者故東林之名數百年未艾不第洛蜀
朔之分立一時也鐵嶺無學校而有書院蓋侍御郝先生
賜環歸以其書室爲之者名銀岡書院卽先生題額也廣川董子
誼其事爲之記記附

銀岡書院記

銀岡書院者侍御郝復陽先生謫書室也先生按蜀時劉文秀
爲孽先生鼓勵人心繕垣固圉有定傾之功

世祖皇帝給欽賞先生弗受曰分也比回道考核乃以簿書微瑕鐫
職二級先生故忤於藩會五中堂合薦而藩釁成矣先生以少
年居此不甘寂寞乃於居室之旁結茆三間圓戶亮楯顏之以

丹後植山菓十餘本築台於中略有園林之致先生雖被竄逐不自暇逸時取古人之書手自編摩繼乃一意研易於六十四卦各爲圖參伍盡變思竟其所以然如是者二十有二年至康熙乙卯

上乃廉其寃以原職召還於其將歸額書室之外戶曰銀岡書院其致知格物之堂則先生原額也董子以無事漫遊其地乃屬塾師呼諸弟子之受書其中者而語之曰汝輩朝夕於斯亦知先生所以名堂之意乎知者心之靈也致者推而極之以求其無蔽也朱子即物窮理之說象山已有同異姚江則更非之余以爲猶方隅之見耳如天下國家身心意皆物也誠正修齊以至

治平卽格物也五倫之內君亦物也爲臣盡忠卽格物也親亦物也爲子盡孝卽格物也以至夫婦昆弟朋友莫不皆然記言之曰其爲物不貳夫天地可以物言而况属在五倫者乎此與所謂知善知惡是良知爲善去惡是格物者又何纖介之疑乎繇是言之不第朱與陸同姚江與朱陸亦無不同放之南海北海亦無不同蓋此心此理莫有外焉者矣諸士習業於此毋自鄙薄當思所以爲忠臣爲孝子爲悌弟良友修齊誠正之事皆務實踐而體之卽治國平天下無其事而有其具庶無負先生所以名堂之意哉先生名浴字復陽別號雪海順治己丑進士鎮之中山人

附復陽先生自記

鐵嶺古銀州也浴甲午九月謫奉天戊戌五月下嶺卜築於南門之右方十許畝中爲書室三間前有圃種蔬後有園種花左壁吾臥室也右壁一帶皆吾友連屋而居也屋中造瓦牀一丈風月之夕吾友畢來盡登牀跌坐牀下鑽火烹茶漉酒縱談名理至夜分不散架插天下古今圖書恣吾友展玩有化人來則焚香晤對參驗竺乘屋後一岡隱然龍臥所謂銀岡者也雨後登之見郭外郡山紫翠交寫其北山綿亘西遶而東山迤邐南屬簇擁萬狀中控一背是爲鐵嶺然總維於吾一線之銀岡殆物之有鼻祖者乎記吾岡下所種桃李皆數度開花而成實矣

所舉二三犬子亦衰然冠而似丈夫矣吾歸之歲歲德在卯西牕北有杏一株發花數十蓓如蠟撚白梅香色雙絕而花枝婉轉皆回頸視西是皆不足記獨念吾霜天雪夜一燈炳照大靜之餘徹四壁於環海晤群聖於期須截然有覺心目爲豁於戲非吾銀岡吾安得有此一日也非吾

至尊吾安得有此銀岡之一日也泣撫銀岡留爲書院有踵至吾岡而默識浴一日之旨者浴卽近侍於數十年遠待於千百世心皎然如一日也是爲記

名宦

金

王伯龍

潘州雙城人遼末聚黨爲盜天輔二年率衆二萬及其輜重來歸授世襲猛安知銀州後累立戰功五年授節度使充徐宿邳三路軍馬都統敗高托山之衆十五餘萬於清河進擊韓世忠於邳州走之渡采石擊敗岳飛劉立路尙等兵獲芻糧數百萬計天德三年改河中尹封廣平郡王卒年六十五

鄉賢

明

李成梁

鐵嶺衛人寧遠伯詳見人物

名宦鄉賢皆以人之道治其民與淑其身者也故例建祠於孔子廟庭邑爲初立文廟未建祠亦無設畧考前史與各志舊例爲志其所宜如右云

鄉飲

鄉飲酒之禮坐賓於西北坐介於西南主坐東南而坐僎於東

鐵嶺縣志

卷下

五百六十九

奉天作新印刷局排印

北故賓主象天地介僎象陰陽四面之坐象四時六十三豆七十四豆八十五豆九十六豆所以明養老也故事以十月朔及正月十五日舉行皆於儒學以戴記所載鄉飲酒義篇首卽云主人迎賓於庠門之外也鄉耆齊民耳而可與官長列坐此最可化俗地方無儒學故猝難舉行然必待建學而後行之或亦魯兩生之見矣銀岡書院後尙有隙地或量爲庭三楹有高年有德者照故事日期行獻酬如儀歌鹿鳴笙南陔俾荒山野草中彬彬然瞻禮樂之化亦政教之美也

官師志

官以政事師以教化畫而二之此季世之事也文翁治蜀司馬

相如等從之受書亦豈博士之云乎周公制禮國用制於冢宰民數獻於司寇其徵已鐵嶺儒學未設故無師可志官於此者以政爲教懋哉懋哉志官師

知縣

胡藥嬰

直隸贊皇人康熙三年除授十三年陞承德縣知縣

賈弘文

直隸延慶州人康熙十三年除授見任

典史

王 徹

順天人康熙三年除授十年革職

王應啓

江南亳州人康熙十年除授十五年病歿

徐元昇

祥異志

天事恒象其有災異則天心之仁愛也春秋不爲災不書梁山崩記異也大雨電大水螽爲災也隕霜不殺菽聖人或別有指焉縣立未久若云風不鳴條雨不破塊則諛辭矣然無大災異故不書列其款目亦志之所宜有云爾志祥異

人物志

昔者子路問成人子路生春秋時得孔子爲依歸七十子之徒相與麗澤而取益焉師友一堂擬於都兪矣而獨以成人爲問豈非有慨於不成人者之多耶太上有立德其次立功其次立言有一於斯庶可以爲人不則山頭關以南挹婁以北其爲人

也多矣而况兼之往代也志人物

金

王伯龍

詳名宦

明

李成梁

鐵嶺衛人萬曆間封寧遠伯初為鐵嶺總兵時請築寬奠等六堡為備甚具有犯輒大創去比王杲誘殺裨將裴承祖公與督撫張學顏鼓行而前乘勝直搗紅力砦獲牲畜無算萬曆十年掛大將軍印鎮彝古救皆

有奇功

李成材

成梁弟總兵官尙義樂施見於舊碣

流寓

王時中

山東黃縣人明正德間忤逆瑾謫戍懿路後復官累遷兵部尙書

季開生

江南泰興人順治年以直言謫寓鐵嶺數載遂歿順治庚子世祖思其言追復原官仍蔭一子入監讀書

鐵嶺縣志

舊縣志卷下

五百七十一

奉天作新印刷局排印

藝文志

碑記雜文詩

文者載道之器也書契以還雖欲無文弗可得已或謂古質而今文是不然二典三謨光昌宏達商盤周誥佶倔聲牙古何嘗不精心於文哉此地文士故少匪今斯今碑記雜文畧識一二可以得其事詩言志可以仿像其性情子曰言之無文行而不遠志藝文

碑

前屯衛佛寺碑

萊海左懋泰

衆生見佛如日衆生自見以見佛如月日之在天和煦於春炎熙於夏晶熒於秋凜冽於冬日無異也人自漸於氣化所處之

候與地不同而若異焉然亦習之而不知其關且切也惟沈陰積潦風雨霑霖經旬累月穀敗屋覆饑饉飄飄之不免始祈望杲日以爲身家存亡之寄故衆生之見佛如之月受日以光其光常滿與日相對則望相距則弦相合則晦月無異也自人視之或見其面或見其側或見其背而若異焉然亦日聽消長而恬不省察惟晦朔之後昏黑如漆忽生線痕於坤庚之地若魂魄澿迴死而復甦見則心動以爲光明孤露之一線故衆生之自見以見佛如之醫閭遼海當乾坤鼎革天造雷雨之會富貴貧賤經歷氣數聚散流浪空花孽果毫不自定若金在冶若土在型一聽造物之埏鑄舉數世積累平生繫戀天盡奪之而歸

鐵

嶺 縣 志

舊縣志卷下

五百七十二

奉天作新印刷局排印

於烏有衆生從身家起念者皆思旋不可常守之物以呼天呼父母之誠心而望冥祐之大力故衆生之信佛力未有如此方者則所謂積陰之日也身家既易生死念眞斷蓬浮梗霜摧雪掃或樸遯厪存或枝葉轉敷存而憶亡盛而思衰創者有深痛而倖者驚後灾衆生從性命起念者多能悟不堪久住之因以夢中知夢之幻而動修省之心故衆生之近佛心亦未有如此方者則所謂朔初之月也前屯衛舊有佛寺兵火丘墟因成頽廢比丘某持緣募化而遠近感應施者如鶩鳩工重造莊嚴一新誠佛力之宏亦此方人心之所至也大來居士見聞隨喜而說偈言衆生見佛如見日春陽秋景無得失沈陰冥晦爽厥常始

欲拂雲抱日出衆生自見如見月光明常在原無缺月之向背
人不知生明一綫驚奇絕日月於人何分別無所分別卽日月
但願常見如不見朝朝夜夜生佛國

永壽寺碑

粵自經傳西竺教衍中華魏晉以還佛寺之設盡方州有之矣
皇清之肇基茲土也以八旂治軍國比丘隸焉設官分職僧錄俱備
他旂皆有舊刹可依正黃旂乃托鉢別寺時僧錄洪德於外攘
門之西偏募構佛殿五楹架棟伊始

太宗皇帝顧見之俾從官往視作室誰居蓋慮斯民之有侈心也已
以復命則顧喜發帑金二百兩爲庀材鳩工之費事在天聰四

年也則茲寺之繇起誠一大勝緣矣嗣是增所應有治所欲抗
歷年以來復爲前殿三楹天王殿三楹祖師伽藍二廂殿各三
楹繚以周垣以至兩廊精舍庫館杳積之屬細大畢舉塗墍彩
琢旣攻而麗蓋煥然巨刹矣而尙無碑寺僧什仿慧光等謀所
以傳云來茲者乃因友人復陽郝子而乞言於予予亦以復陽
郝子之時停驂其地也而知什仿蓋禪靜而有戒行者也乃爲
言曰天下事莫不有本焉有因焉所因卽其所本吾人樵薪可
爨無曰吾樵也汲水可飲無曰吾汲也皆

祖宗來艱難百戰以有之者也官分職民別業僧亦丁男而可不
思所以報

國恩乎報之云何亦行其所當然以無忘其本斯已矣飲食衣服
臥具醫藥皆可以供佛而心爲最故繁於儀不如其潔於志也
若寶鬘塵幕紺宇喧豗而曰吾自潔吾志焉至愚知其不可矣
記之言射也曰內志正外體直比丘衆其以是爲規焉以循循
於香燈汜掃梵唄晨夕之間千百劫成佛猶是也立地成佛亦
猶是也行持如是行持亦忘如饑思食倦思眠是爲報佛恩是
爲報

國恩庶幾哉

皇祖當日所以給賜帑金之意乎寺爲僧所僧即是所大本在是勝
因在是祝

鐵嶺縣志

舊縣志卷下 五百七十四

奉天作新印刷局排印

國祚於億年佑民庥於九有豈不懿哉爰系以辭辭曰

羣山盤鬱靈鐘奉天奄宅函夏豐鎬澗瀝琳宮碁列畫棟雕簷
華燈常煜經唄時宣其煜伊何心心相傳其宣伊何無相可鑄
佛日增輝

國祚永延

皇祖式靈於萬斯年

記

古洞觀音塑像記

董國祥

康熙六載九月初吉邢子環生過余爲言去此東北約百十里
爰有古洞在懸崖下洞口如戶可容二人入內未遠即爲石室

壁石隱然有壺瓶狀西通不過十餘步止東將里許復露天光有如懸鏡前爲河流其中亂石皆爲鳥獸禽魚之形羣山環繞信爲靈竟余所聞者爲老虎洞不知真有古洞在彼如邢子言洞傍居人有數砦堡皆以洞名邢子頗善堪輿家言嘗遊其地云宜塑像觀音洞中居人信之卽托邢子丐余數言顏於募疏余惟世間所有一切皆人爲之以今視昔世間所傳名蹟無數其初緣起亦復如是子厚在柳西粵山水遂著人間子瞻在惠三山井泉得名惠通自今洞傍居人爲此亦有因緣不能不爾觀音靈感變化無窮安知從前無觀音者托跡洞中乃使邢子如或見之自有天地卽有此山自有此山卽有此洞洞當名古

可無疑者虎之與古應是音訛洞在深山猛獸竄處其稱老虎或亦近實爰爲作疏告諸侯者隨力布金合成聖緣莊嚴妙具與天地終傳於無盡觀音顯化至不可量不可思議降龍伏虎猶其餘事自此以後當無虎跡可名此洞爲觀音洞智光道人紀是事已復爲鼓舞而作偈言行道卽是福不必富若貴與夫多子孫積善有餘慶聖言亦如是昔佛修道時芻泥皆受報我願當世人各各自思惟作善有利益是爲大安樂朝廷可刑措

雜文

六經對

左懋泰

六經非聖人爲之天地爲之也亦非天地爲之人心爲之也易

始於陰陽書始於陰陽之奇偶詩始於陰陽之清濁春秋始於陰陽之推筴禮始於陰陽之往來樂始於陰陽之調鬯故經一而已而列之爲六天地之晰其數聖人之詳其教而人心之用始盡也然易首三皇書首五帝詩首三王春秋首五霸故易以象春書以象夏詩以象秋春秋以象冬而禮樂無專屬古有六代之禮亦有六代之樂先儒言六經之道同歸而禮樂之用爲急又言聖人教人四府易詩書春秋而禮樂污隆其間蓋四經者聖人立教之體而禮樂治世之用不可不察也易曰上天下澤履君子以辨上下定民志又曰雷出地奮豫先王以作樂殷薦上帝以配祖考此易之禮樂也書曰夙夜惟寅直哉惟清又

鐵

嶺 縣 志

舊縣志卷下

五百七十六

奉天作新印刷局排印

曰八音克諧鳳凰來儀此書之禮樂也詩曰奉璋峩峩髦士攸宜又曰於論鼓鐘於樂辟雍此詩之禮樂也春秋曰天王狩於河陽又曰初獻六羽此春秋之禮樂也夫明於禮樂之原易最尙矣書詳於四代詩詳於成周禮樂之升降在焉而春秋亡於禮者之禮亡於樂者之樂也故聖人教世之心切而於春秋爲獨深豈得已哉孔子以雅頌得所爲樂正韓宣子見魯易象春秋謂周禮在是明此知禮樂之在四經而四經治世之書正以禮樂爲人用之大也世儒言六經在世如日中天今四經具有全書獨禮樂爲不備蓋經世之道體有方而用無窮四經者聖人已陳之數而禮樂萬世通變於不窮神而明之存乎其人耳

禮樂莫備於成周儀禮周禮二書皆出周公今讀儀禮十七篇雖亡缺有間而所載冠昏燕射聘食喪祭諸儀於君臣朋友男女死生之文曲折盡變天理微妙之極禮記雜出漢儒亦大抵七十子之徒若高堂孟卿后蒼之倫所傳聞先聖緒論禮家精微之旨咸在則聖人之禮經亦未嘗亡也周禮大司樂一篇漢竇公嘗獨獻之所載天神地祇人鬼教學賓燕軍射飲蜡考於天地四方陰陽之聲想見聖人作樂之意劉向得古樂書二十三篇今樂記乃斷取其十一篇雖后夔復起論樂於君臣父子要不外是則聖人之樂經未嘗亡也禮樂之蘊究於學士大夫而極建於天子觀其統會以知指歸觀其致用以知隆污雍雍

在宮肅肅在廟言履爲禮行樂爲樂在易曰元在書曰中在詩曰思無邪在春秋曰大居正聖賢言樂必本於禮而聖學傳心無如學庸二書其原皆載於禮記乃知樂之歸於禮而禮之原於道也易書詩春秋具存而古禮樂不盡傳亦曰待後王之用之耳善乎漢劉向之言曰禮以養人爲本今世無皋陶之法而有司請更定至於禮樂則曰不敢是敢於殺人而不敢於養人也王者治定制禮功成作樂於易得中孚之九二於書得洪範之次六於詩得國風之二南於春秋得於蒲之胥命禮行於豆觴樂通於擊壤本於一人之性情而形爲天下之風俗雖唐虞三代之盛何以加焉

送劉心周歸中州序

郝浴

吾道值周顯王三十三年乙酉有鄒國孟子與首嚴義利之辨
覺諸侯距楊墨暨

本朝世祖皇帝順治十六年己亥輒千九百九十五年矣於漢武帝
建元元年辛丑有廣川董仲舒以道爲適治之路而窮其原於
天人三策以歆帝衷暨今己亥亦千七百九十九年於平帝元
始五年乙丑有蜀郡楊子雲慮世趨日惑至辱其身不死作太
玄法言以至理詔後世暨今己亥亦千六百五十五年於隋高
祖仁壽二年癸亥有龍門王仲淹投太平十二策不錄退修盡
性知命之教於河汾暨今己亥亦千五十七年於唐憲宗元和

十四年己亥有南陽韓退之諫迎佛骨手扶孟子之學憤發所
向以蹴踏二氏暨今己亥亦八百四十一年於宋神宗熙寧二
年己酉有河南程明道咫尺天顏獻正心窒欲之方及哲宗元
祐元年丙寅又有程伊川啓沃經筵復請延天下道德之士兩
賢以居敬窮理爲斯世斯人開入德造道之門暨今己亥亦五
百九十一年于光宗紹熙五年甲寅有新安朱仲晦侍講煥章
建極道民力整乾綱常提撕此心如日之升至今已亥亦四百
六十六年於元世祖至元十七年有河內許仲平以祭酒歸家
一惟致知力行躬牖學徒暨今己亥亦三百八十年於明英宗
天順元年丁丑有河汾薛德溫總裁天下會試以復性正學爲

準至謂五經四書一性字括盡暨今己亥亦二百三年於武宗正德十三年戊寅有餘姚王伯安智擒逆藩而其學即以良知爲宗暨今己亥亦百四十二年浴俯仰二千年中赫赫名公卿崇至尊以福天下何慮九牛之尾而至謂修明吾孔子所傳大學之道粗不雜於五霸七雄精不詭於百家二氏將使人心人理燦然犁然得歸於大中至正而無一絲之或悖則數君子之功雖與日月爭光可也然斯傳一墜動至數千百年不得值大量者脫鍵撤鑰而升其堂其傳卒以不緒故天下愛而悲之曰絕學順治己亥陳留劉心周謫鐵嶺卓然若有志於數君子之爲者異哉浴察其苦心極力周五寒暑不退竊壯其志而病其

質至

今上康熙二年癸卯得比例西歸浴立喜其有豁然之口矣夫中州奧區也山川人物明秀萬方今一旦縱居其中請得力雪舊抱日與二三學子登嵩陽泛洛水嘲風弄月更得騎太行而摩函谷左顧伊川右睨橫渠有一日焉見此中浩浩瀚瀚晶晶瑩瑩若大海之飛濤捲雪而輒復一鏡萬里也然後揭廬於百泉蘇門之上危坐其中以究數君子之用心吾兄其有入乎

銀州雪賦

郝浴

今上丙午元朔之亞浴在銀州已入春一晝二夜矣昭融在御蒼蒼以寬奄綠江之瀉空顧紫海以迴瀾偶從二三子過河陽

之潘浴習其人有素而一握甚歡掃南山之翠延浴升堂喜久
晴而乾俄而氣蒸醫閭神湧長白一拳一勺怒生羽融縵縵青
雲忽垂天之翼開凝馨舒素天香乍來瞠視絳霄一花自摘舉
罇承之不粉而白噫鮮矣飽矣春光占矣當其蟾迷簑影玉露
葛帷大美中含而風未敢吹也擒空幻想尙或庶幾至其矐然
而羣飛也則壽陽之額姑射之肌蘧夢之蝴蝶乘軒之威儀一
一髣髴萬萬參差斯皆造化之妙顧孰從而知之諸君子樂而
以酒屬浴浴斗筲受耳而一旦若決江河蓋不銷於人羣之磊
落而銷於天地之太和逮風急而雲摩瓊林散彩玉樹生花白
毫者瞿花鬢者麻爾汝何殊天下一家斯時也通席起望滿空

鸞鶴瀚海天山一統華萼已而夜闌酒罷散春衙下玉街搖搖
人影一燭高齋絳河如繩直貫予懷精神既澡理不能埋噫嘻
此時之浴不幾人中之至清乎哉念久豢於所天則疑於玩世
之賢而私淑於吾道則逼於超世之仙雖然正深有愧於雪焉
雪之德天下之至光明也雪之功天下之至神化也仲尼曰乾
始能以美利利天下不言所利大矣哉當其普之至於無擇而
天下知爲旣雪之後化之至於無有而天下依然未雪之前非
聰明睿知之聖人而能然

雪後又賦

郝浴

時銀州雪深三尺至乙未大霽浴又得登龍首而賦焉龍首銀

州之東山也旭彩驚飛玉宇爛然千條綠水西上連天坐見十
二樓之下八門洞闢萬馬嘶春翬飛鏑叫甲照龍鱗以視數千
里間雖秋毫不爽若千萬疊之燕山殆近而自指其掌是有元
美得天而朗回首此中不過飯牛之奚牧豕之弘甘跨之頑吞
毛之忠采藥之逋夫被髮之狂童高臥於牛衣米困之中而已
安能若被赫赫者畫堂鶴氅上翠濤之酒進紫筍之茶嬌歌鸚
鵡艷拍琵琶乎哉而馨香神明則所獨誇屬聞往歲輦轂以南
太行左右淮北浙西龜田寸裂野老哭犁菜色兒女價賤於泥
其有洛陽牡丹會稽荷花淮南桂樹姑蘇蘭芽尙自粉艷霞飛
媿笑南衙而凡卉無知曾何救於百姓之身家至於遊媚富貴

之女躡金爲蓮破翠爲裳晝鬱千步之奇夜來百濯之香是其
淡掃蛾眉之黛綠適所以奪蒼生續命之糟糠其以視銀州之
雪索八蜡蘇百穀洗瘴驅瘟爲社稷福將謂孰否孰臧孰聖孰
狂阿香淵默而歌之曰龍德之入人深兮龍氣盛而難藏旣塞
空以橫下兮盍灑然而相忘若更得排燕市下江南五嶺清芬
冒雪回陽旣從此一潔而雪聲響於炎海復於此一香而梅氣
滿乎帝鄉斯不亦緬緼太和沐浴羣芳乎

詩

歲暮書懷

木齋李呈祥

萬事只求身健在逢人相慶太平時大家物力喧神鼓小市風光颭

酒旂痛飲乍忘衣似鐵高歌那惜鬢成絲試看冬日生春日先上扶
桑海樹枝

元日

三冬羈客又新年獨坐清宵思悄然地曠誰聞羣籟寂天高自數列
星懸燈花結藥臨時卷雪粒凝香薦酒筵已解荷鋤耘半畝寒原早
喜見晴烟

鐵嶺塔

古塔十三級北城獨立幽八方隨佛日一柱起邊愁鈴鐸諸天語階
梯象罔求無從登眺處仰視自悠悠

逢虎行

鐵嶺縣志

舊縣志卷下

五百八十二

奉天作新印刷局排印

猛虎當路坐行人皆辟易爪牙靜不張眼光下照石恨無朱亥椎奮
臂碎其額虎亦太恣睢故與人相阨徐行踏怒去但留虎蹠跡

讀麗中師自奧寄梅花詩

嶺南老衲欲逃禪撇寄梅花詩百篇萬里遙期明月下寸心共盡早
春前美人入夢多遲暮孤客招魂半野烟無待笛聲吹徹處天山雪
落已淒然

焦冥師壽日避客

凌虛羽士逐朝霞洞裏清猿待客茶應知天上春還早別向青山掃
花落

古洞易名行

華掌郝浴

銀州門外柴水清銀州東去柴水生水生虎窟山圍繞中有洞天纏
虎名邢子登山向山語洞胡不以觀音舉轉看威猛臂千條多智如
燈目如炬分身虎變火爲蓮二名曾不差一黍君今願作妙莊行應
爲香山尋難聲綽約肌膚如處子好把災黎玉臂擎聞說群山御洞
紫紫光流入普門裏門前一水劃銀河來抱銀州玉相似

鐵嶺城四首

百尺空城首自搔青山綠水一週遭烏翻東北遼天盡魚上西南海
路高龍氣已衝都護印鷄聲還亂大夫騷幾回欲雪滄桑涕愧似新
亭泛濁醪

故李將軍此用兵帑金十萬鑄嚴城曾矜雲鳥兼山立不信俾倪一

鐵嶺縣志

舊縣志卷下

五百八十三

奉天作新印刷局排印

掌平風雨愁歌花樹曲黃昏爭汎木魚聲銷魂更是狻猊石兀守空
衙傍月明

甲第排雲及作塵重開茅屋見陽春蛾眉漫寫蓮花步廣柳終迷漁
父津竟入他山樵古木輕于舊水捉金鱗悠悠芻狗還成夢杖底春
風想聖人

敕放歸田八十翁中華宰相起遼東名留古剎豐碑上事在前朝天
順中多寶環收千疊翠群湖返照一般紅玉門此日應如闕滿路春
風攬轡同

觀音洞

洞口人煙渺空濛翠欲浮草香無鹿跡礪古有雲流晴日巖常暗鳴

禽樹自幽桃花深谷發漁者未容求

其二

山骨知誰鑿儼然成室堂雲涵蒼壁潤蘚覆古苔香淨遠龍蛇氣深
通日月光穴空懸石髓斑錯盡文章

其三

靈異天難秘清幽聖

石露垂蓮幔

巖花繡佛衣隱然聞梵語香霧四山微

其四

亦有巖棲士悠悠謝世喧溪雲隨去住山色自朝昏拂寺松同偃翻
經鳥共論丹成寧慮失虎豹守柴門

鐵嶺縣志

舊縣志卷下

五百八十四

奉天作新印刷局排印

題觀音洞

洞自何年闢名從此日新寶幢圍石色香樹藉苔茵古澗龍蛇伏荒
崖虎豹馴會當尋勝蹟延眺愜吾真

其二

角非吾事深林興自長披經雲過眼採藥翠沾裳法雨莓苔潤神
燈巖岫光無生如可悟直欲問慈航

李寧遠看花樓

東牟左曄生

花下提戈月滿樓將軍控馬待高秋雲山一望寒旌色遼水於今日
夜流

登三清觀

苕嶢直上太虛宮高下諸峯憑檻中西倚銀州秋色迥東連紫塞野
雲空當年勝跡殘碑石此日登臨落木風杯酒不知身外事遠天望
斷見飛鴻

中秋偕諸友集郝復陽先生月台

霜黃節序過常期籬下寒花已滿枝徑就陶家頻載酒濤疑枚叔未
裁詩中宵月到光輝處絕塞人當少壯時好共良朋拚一醉風塵有
弟隔天涯

鴛鴦湖

蓼紅一望野田開想像青娥載酒來七十二湖齊泛棹不知何處採
菱回

鐵嶺縣志

舊縣志卷下

五百八十五

奉天作新印刷局排印

次左錫侯范莊

豫章載國士

地僻海天東雙流夾萬松洪荒藏太古曠莽接長空樵獵漫山火氈
裘入骨風誰憐絲粟命尙在 坏中

萬花樓

東牟左昕生

雕欄翠幃注天涯休沐材官唱晚衙朔氣忽隨陰雨變危樓長傍夕
陽斜夜明露泣平原第秋老籬開處士家盛事不堪搖落盡猶存消
息問梅花

泛舟鴛鴦湖

青春威遲碧草芳冰開湖水泛鴛鴦黯黯春流波上下羈緒與之俱
短長同人載酒向湖畔更放鷁舟遊汗漫棹發參差菱荇分人語低

昂鳧鳴亂洪濤出沒巨流通扁舟明滅夕陽東萬頃茫然光霰霽千
山倒景氣鴻濛傍舟大魚有時出驚波跳沫聲沸澤鱣鮪風雲久不
興蛟龍咫尺愁相失座上久客蘆中人迴船悄然動呻吟不知楊柳
西園盛爭如芙蓉南浦深南浦芙蓉風歷亂酒酣興極淚如霰空餘
鷗鷺對浮沈湖上鴛鴦終不見

觀音洞詩二首爲環生年台賦

陳行恭

物外惟邢子能消去國憂短筇隨道路絕塞得林丘涓滴寒泉響陰
森古洞幽天高思縱騎與爾會同遊

其二

精舍從僧結丹經許客携山林安問虎雨雪自聞鷄眼放三韓闊愁

鐵嶺縣志

舊縣志卷下

五百八十六

奉天作新印刷局排印

空二室低此間堪隱逸直與武陵齊

題觀音洞

方山陸鳴時

想見雲深處無能一快遊千峯圍瑞靄一徑別林丘石洞開天久名
山古佛留展圖何所慕吾道自悠悠

前題

天台周 肅

巉巖石洞倚天開碧水悠悠去復迴秀列千峯含曉霧寒生積雪鎖
蒼苔風塵幾黯香鑪色獅象遙瞻法座巍支遁幽期終不負雨花何
事獨登台

元宵作

董國祥

雲淨三階月欲高滿城歌鼓競遊遨儼然析弛金吾夜不復烽傳介

馬勞壤擊眞堪稱

帝里原田庶得美車旄衰遲獨未忘奇士閉戶燃藜自熟騷

假寐

湖海元龍夙所期齊今高古亦隨宜當窻滿照關山月徒壁空餘老
大悲百里鬻秦知已過子卿歸漢懼成遲五風十雨朝朝有坐擁寒
牀繞夢思

贈苗焦冥鍊師

自是含元佳氣多洞天小有白雲窩但看落筆驚風雨若傍觀棋爛
斧柯子午崑崙頃已遍蒼梧北海幾迴過右軍偶作黃庭草未信山
陰聽籠鶯

鐵嶺縣志

舊縣志卷下

五百八十七

奉天作新印刷局排印

效郝復陽放言體

人情縱復似陰諧也逐東風拂面開胥靡等閒能肖夢還看海日射
金台

盛京紀述

六鼇神足奠坤輿草昧天開壯
帝居禹貢山川指顧裏周官禮樂繪圖初千秋王氣維盤石五色卿
雲捧日車誰識東京作賦者徘徊已是十年餘

東山仙洞

窈窕窮巖岫豁啓洞門法幢纏曉氣梵響出雲根寺轉欹平路烟
披遠近村捫崖辨題句剝落半苔痕

送李宮詹

賜環

毘陵吳達

驪駒初唱嶺雲秋
典屬還家尙黑頭
濟上青山雙淚洒
關門明月一仙舟
他年謝獵知無罪
此日行藏任自由
漠漠水田飛白鷺
羊裘老子更何求

原跋

易曰斲木爲耜揉木爲耒耒耜之利以教天下取諸益此萬世衣食之原也周家以農事開國卜世三十卜年八百故豳風豳雅豳頌所詳皆農事焉


國家念豐芑重地設立郡縣招集人民墾田殖穀所以爲根本計至深遠矣卽鐵嶺居民屯堡所云台所云衝者皆昔時望烽燧謹斥堠之地麻麥幪幪瓜瓞啐啐其氣象爲何如哉孔子曰夏禮吾能言之杞不足徵也殷禮吾能言之宋不足徵也無徵不信吾舍周奚適哉故作爲春秋繫正月於王繫王於春所謂本天道以治人事大一統之義也春秋之義兼事辭道法而有之天王狩於河陽

法卽道也春秋未修曰雨星不及地尺而復旣修曰星霽如雨辭卽事也前代之事若存若亡縣設未久鮮可紀者賈公之爲此志或據事以徵實或因言以立教忠君愛國之意娓娓溢於辭端觀光揚烈彝叙萬年於吾夫子從周之志實無媿焉寧止一邑之事云爾哉

康熙丁巳長至前二日邑人

董國祥書

鐵嶺縣與圖



圖例

比例尺：一萬五千分之一


一萬五千分之一

大河 橋 山 國家 車 鐵 村 集 縣 界

通 流 梁 廠 綫 日 木 電 站 軌 瓦 鎮 署 綫

例

鐵嶺縣城廂輿圖



山脈 水塔 鐵路 城門 鐵嶺 便路 車站 鐵道門

卷六勘誤表

(一)

類別	頁	行	字	誤	正
續藝文志	五百二	一	二十四	贖	贖
	五百二	七	十五	伶	脛
	五百三	十六	二十五	祠	詞
	五百七	十九	十七	壞	壞
	五百十四	二十	三	郭京甲	一戰而敗
	五百十四	十六	十五	裏	裏
	五百十六	十二	二十二	然	煞
	五百十七	三	二	(不真)	和
	五百十八	(十五行下)			四行宜入鄉宦門
	五百二十三	七	四	紙	低
	五百二十六	一	十七	掃愁	掃問愁
	五百二十六	十七	三	序	賦
	五百二十七	八	十一	客	各
	五百二十八	三	十七	麻	交
	五百二十八	十六	十九	班	班
	五百三十一	十一	二十五	曉	嘸
跋	五百三十一	十二	二十一	赤	白
舊縣志序	五百三十二	二十七	十五	迴	迴
舊縣志原叙	五百三十三	五	二十三	于	千
	五百三十四	十四	十五	借	階

(二)

類別	頁	行	字	誤	正
舊縣志卷上	五百四十五	十五	十一	光	先
	五百四十七	四	四	庫	卑
	五百四十七	八	十	護	腹
	五百四十八	四	十二	分	兮
	五百四十九	一	三	嶺	嶺
	五百四十九	六	二十一	繫	擊
	五百五十	十	六	衙	衙
	五百五十三	十六	八	僭	僭
	五百五十三	十七	三	桃	(取銷)
	五百五十九	十六	五	門	開
	五百六十二	七	二十三	眉	眉
	五百七十一	十三	二十一	聲	聲
舊縣志卷下	五百七十二	二十	三	僞言	(不宜並列)
	五百七十三	十四	六	麗	麗
	五百八十一	十	二十三	口	媚
	五百八十二	十三	七	奧	粵
	五百八十三	五	五	晉	普
	五百八十三	十三	十五	眉	眉
	五百八十七	十	二	龍	換
	五百八十七	十六	二十一	盤	磬